

鍾山縣志

卷之五

田賦

田糧

周有貢助徹之名唐有租庸調之法知賦稅之不容緩而亦不可太苛也古之賢宰官仲舒減燕樂之需代償民賦錢徽除飲宴之費預備農耕今此下民何敢望此求如唐劉昫之免舊欠徐知誥之俟豐年願已足矣所慮者錢鏐苛逋戶之笞劉鋹作無名之稅鬻苗誰憫貨穗堪憐耳鍾山近日之民生既苦於水旱頻仍復苦於萑苻劫掠因流離而立縣爲建築而加征或養團丁或聯保甲凋殘元氣竭盡脂膏古詩云醫得眼前瘡剜卻心頭肉憔悴已極腴剝仍來孰肯如兒寬之負租爲陽城之署考哀我填寡勉爲其難而已志田賦

田糧

縣屬田糧向有民糧犗糧之別民糧內有畝稅丁稅在富川方面畝稅分中下二則

凡中則民田地山塘稅每畝徵銀九厘科糧五升三合五勺徵本色米三升五合六勺六六五徵折色米一升七合八勺三三五每石折銀五錢二分 下則民田地山塘稅每畝徵銀九厘科糧四升二合八勺徵本色米二升八合五勺三三四徵折色米一升四合二勺六六六每石折銀五錢二分其在昭平方面則分上中下三則凡上則民田地塘稅每畝徵銀九厘科糧五升三合五勺徵本色米三升三合五勺徵折色米一升四合五勺零每石折銀五錢 中則民田地塘稅每畝徵銀九厘科糧三升二合一勺徵本色米二升二合三勺零徵折色米九合七勺零每石折銀五錢 下則民田地塘稅每畝徵銀九厘科糧二升二合一勺五徵本色米一升五合五勺徵折色米六合七勺零每石折銀五錢

丁稅每丁編里甲均徭驛傳兵款四差凡鄉官舉貢生監止編里甲一在富川方面差優免均徭驛傳兵款三差 每丁編四差銀四錢五分昭平則每丁編四差銀四錢一分至清雍正五年將丁稅派入地畝丁隨糧納每糧一石富川徵編丁銀七錢三分七厘五毫昭平徵編丁銀

六錢七分零一毫此民糧之大致也

獐獐賦而不役故獐糧有畝稅無丁稅在富川方面仍分中下二則凡中則獐田地塘稅每畝徵銀九厘科糧五升三合五勺徵本色米三升五合六勺六六五徵折色米一升七合八勺三三五每石折銀五錢二分 下則獐田地塘稅每畝徵銀九厘科糧四升二合八勺徵本色米二升八合五勺三三四徵折色米一升四合二勺六六六每石折銀五錢二分 在昭平方面仍分上中下三則凡上則獐田稅每畝徵銀九厘不徵本色米徵折色米三升三合五勺每石徵公費四錢折銀三錢五分 中則獐田稅每畝徵銀九厘不徵本色米徵折色米三升二合一勺每石徵公費銀四錢折銀三錢五分 下則獐田稅每畝徵銀九厘不徵本色米徵折色米二升二合一勺每石徵公費銀四錢折銀三錢五分此獐糧之大致也

清末辦學養警需款孔殷富屬有學費三成之附加即編折銀每錢附加徵銀三分昭屬有警費一成五之附加即正賦每銀壹錢附加徵銀一分五厘至民國三年清

賦并不實際調查混將糧賦加多一倍而地方學費三成及警費一成五之附加概括入正賦項內冊報六年鍾山立縣核實共應徵正賦銀三萬一千一百五十六元二角六分五厘并核准將地方附加以七厘計算由正賦內扣除二千二百二十二元九角六分八厘撥充地方養練之費實解省糧額二萬八千九百三十三元二角九分七厘